

七
山齋詩集

吳昌碩書




溫州府圖書館藏

溫州府 函 文 館

鳴野 齋

辛酉三月吳昌碩篆





齊

齊

齊

處

處

處

如

如

如

如

石友先生遺像
辛酉子孟夏王君景寫

亭





石方先生遺像

鳴堅白齋詩序

吾石友旣卒之六月蕭君中孚囊其遺詩三巨冊走海上述其易篋遺言屬爲點定並爲之序嗚呼石友之詩吾曩昔所嗜誦今其卒也人琴之痛攬卷哀哽可爲流涕者也吾與石友論交爲歲壬午今三十餘年石友生戊午吾生甲辰以齒論石友固兄事吾徵其學識吾竊愧之此三十餘年中彼此蹤蹟不常合并歲必有詩相贈答其詩具存集中石友不遐棄我若是我今何忍負其期願耶石友之於詩植品甚高致力尤勤夫固有神明乎詩之外者而竟侘傺以詩人終此雖踐其平昔之

所自期而吾則爲之拊卷三歎蓋石友性行博亮自晦
於時足蹟不出吳越間平昔好硯石乃以哦詩抱石銷
磨歲月其詩境凡三變少慕清逸中趨真摯晚遂舉其
悲憤之心託於閒適之致乃至風月之吟弄樵漁之歌
唱而其中若有甚不得已者吾嘗謂石友之材質嚮使
躬際承平雍容雅頌益以江山之助良師友之切磋何
難轢宋軼唐希軼漢魏竝世操觚之士選聲訂均者流
孰與抗手則夫望塵不及甯止缶廬一叟而已遭時不
偶棲飲巖谷不溺於詩則將仰天痛哭不可終日此三
巨冊之遺詩大都以不傲之精神作無聊之感槩是誠

可爲三歎然而精魄有繫垂之無窮長歌短詠歷劫不
磨吾故爲之點定而不欲有所去取願以盡襮於天下
也虞山之麓有俞君養浩亦吾友也石友在里中與論
詩而行誼相合者蕭君幸語俞君當不以吾言爲負石
友於地下也石友沈氏諱汝瑾字公周自號鈍居士江
蘇常熟縣人績學不仕尤足以諷當世焉上元丁巳十
二月安吉吳昌碩序

飲

昌

○

下

如

通

鳴堅白齋題辭

校讀石友先生詩竟謹誌數語

沈焜

醉愚

丈夫不功業苦吟亦千秋石友吾宗彥著書逾封侯滌
筆尙湖涖灑墨虞山頭布衣憤時局隱懷屋社憂平生
癖古研瓴甃勤搜求羅列徧几案瑰奇媿琳瑯山河塵
若邈天地詩常留開卷忍卒讀字字鬱古愁

脫劍贈死友風義千金高醲訾剛其詩缶廬今賢豪鯁
生謬讐校魚魯慙紛淆緣猶識面慳神與傾蓋交吾友

宗少文

耿吾觀察

槃槃史筆操用爲志乘光文苑嘉名標君

詩信有託吾詩誰傳鈔茫茫天壤間留作枯薪燒

飲

也

也

也

明皇白齋是箇

明皇白齋是箇

明皇白齋是箇

明皇白齋是箇

明皇白齋是箇

明皇白齋是箇

明皇白齋是箇

明皇白齋是箇

明皇白齋是箇

明皇白齋是箇

明皇白齋是箇

鳴堅白齋詩存卷一

常熟沈汝瑾石友

君子行

鳳皇雖自毀人咸知其德
鴟鴞雖自飾不能掩其惡
蘭蕙豈化芻瑾瑜終貴石
君子亦有懷去文而就質
含虛察萬物抗志鄙苟得
不求當世知但令後世師

烏夜啼

烏夜啼聲何悲朝雙出
暮獨歸黃口雛長苦飢
不集苑而集枯鵲有巢
惟鳩居鳳何處難訴苦
驚人寐使人怒理殫繳
將及汝雞既鳴天不曙
起寒風下寒雨

采葛歌

勿以野也而棄不采勿以賤也而采不織勿以疏也而織不服雷震震兮夏炎熱君欲舍此兮安可得

烈士行

鐵如意擊玉唾壺對天仰首歌烏烏高歌無和歌將絕
停歌俯首三太息鐵如意折玉壺缺髮上指冠皆裂血
攜劍出門永相訣

寒夜吟

時居賃屋

宵柝畏凍忘五更雄雞司晨已三鳴簾風逼燈冷無燄
檐冰墮階清有聲空庭積雪壓喬木烏鵲繞枝痛巢覆

微聞鄰舍婦語姑明日無柴煮朝粥

苦吟九月九日作一首

負疴久不出客亦來者稀青苔緣壁生幽草當門肥
忽已重九節莫與良辰違披衣起出戶仰見孤鴻飛
晴天肅高爽浮雲飄無依道中逢一士乃是素相知
攜手與歡笑信步隨所之北麓閒且曠登臨愜幽思
采采黃菊花無使風露摧寒香盈我袖臭味何相宜
行行循路歸新月光明衣人生但行樂百歲無多時

乘興肯暫休振衣但前去木落秋山空曾無一人遇
白

乘興肯暫休振衣但前去木落秋山空曾無一人遇
白

雲亦孤飛日落天欲暮鳥雀爭歸巢寒煙聚叢樹迴風
動羣籟似聞人言語陟岡尋幽蹤回首失其處倚立爲
移情眞想自茲悟

古琴歌爲徐經士作

疾雷破山龍蛻骨枯桐飢鳳泣孤月夔襄薦法倕運斤
斲爲瑤琴通鬼神天地元音老不死千載知音有徐子
金高南山不肯沽王侯功名薄如紙偶然攜出示我曹
碧天萬里孤雲高鸞膠斑斑指血凝黑蛟踊出湘絃迸
若教抱向長天彈上帝無情亦愁聽昔時未入幽人廬
南風雅奏射短狐

有些是琴者故云爾

氣衝北斗成彗孛天孫欲

洗愁河枯人生亦復少同調管樂奇才豎儒笑願將恨
血埋荒山營營青蠅夜相弔三千弱水環瀛洲中有白
玉十二樓琴高披髮騎赤鯉長嘯待爾海上頭勸爾囊
琴從此去波濤汨雲海若舞莫向塵世彈離鸞有客空
堂哭秋雨

甲申除夕

愁人昧節候空齋擁殘書西鄰聞索逋始知歲將徂出
門隨行行燈火溢四衢百貨價騰貴泉刀日空虛所幸
年穀豐民力賴以舒外夷寇未已臺閩撓師徒天旅久
南下不聞殪凶渠人生素位行世事非吾圖吁嗟勿復

言兀兀守窮廬

乙酉正月十五夜卽事

上元燈火朱門暮酒肉熏天不知曙醉中噤語賓喧呶
雄雞三號未言去南鄰有客吟空堂古磁青瓶三尺長
汲寒泉養老梅骨竹窗月落聞清香

悲馬尾

鐵艦桅檣天尺五十萬貔貅挽强弩書生高坐玉帳中
手握兵符氣如虎紅旗一舉敵礮飛鬼神號哭魚龍悲
尸骸壓波海流血蔽江樓櫓成寒灰軍中大將黯無色
登岸殘兵不成列虜船逍遙奏凱歌鼓輪又犯臺南北

將材不生壯士死戰骨千年浸江水江頭少婦祭亡夫
酒澆麥飯秋風裏

高未子畫水仙秋農補竹石荆棘戲題山五辰題
幽花玉爲瓣結根瑤臺畔仙人跨鳳來含情幾回看天
風忽吹落塵世夜未半空山霜雪多荆棘紛歷亂婀娜
得人憐反不如瓜蔓賴有瀟湘客解意來相伴何時拔
塵埃枝葉倚雲漢

久雨望晴有作

經旬苦陰雨朋舊絕來蹟垂頭守空堂兀坐恆面壁殘
菊傍階折飢鳥向人立出門見煙霧塗泥汨雙屐人生

幾何時遭此久沉抑願得長風至驅雲見白日日日訪友抒
積忱登山鼓餘力天意殊難知兀坐長太息

遣興

庭前有嘉樹微風動清陰鳴禽時一來和我檐下吟世
事極機變澆風賊人心平氣自足樂逍遙聊在

高宋遺老志挽魯陽戈一卷誰堪並文山正氣

古松幃子歌

畢宏韋偃不復得黃山古松少顏色悲風蕭蕭

山鬼夜深攀樹泣吳生吾好友丹青世無敵解衣對秋
雲濡毫矐然立大枝橫掃煙瞳瞳戶牖開闔來清風無
乃上帝今日殺黑龍冤魂血面飛下長空中小小枝二三
尺勢欲破寒碧豐隆乘雨飛霹靂對此縮手不敢出我
生頗好奇無物堪入眼感君一片心大笑傾情俱懣朝夕
臥其下神游蓬萊山仙人桃花顏贈我換骨丹丹與君分
食翔九天俯視世俗所謂畫師者莽莽白骨蓬蓬蓬蒿間

漫興

書堂敞長夏嬾自著荷衣松子隨風落鴉雛帶雨飛避
人閒索句於世漸忘機莫謂雄心減屠龍願久違

古意二首

暮化碧天月朝化青鸞鏡暮暮復朝朝照君可憐影
手調綠綺琴自惜無知音總有知音者不能知此心

七夕詠牛女

黃姑居河東織女居河西年年此夕中云是相見期謂
其必相見相見誰見之謂其不相見相見何有時浩浩
碧漢高欲問難致辭千秋與萬古惟有兩心知

讀書

野人寡酬應卽事爲眾尤閉門列圖史遺意搜商周古
有義烈士高步追其儔知己不可遇時乖欲何求泰山

不讓塵滄海不擇流一事有不知未必非吾羞起舞延
白日西北浮雲稠君子亦有息息彼蓬蒿邱

古松柏歌

有身未入黃山中不見始信峯頭松有足未走夔州道
不見孔明廟前老柏好吾家松柏枝榦奇令我好古胸
襟開微風颼颼發清響朝夕和我吟新詩兩樹相去不
數武結根各有磐石固風雷六月大雨來銀龍探爪蒼
虬舞欲拔屋宇離地飛敗壁撼動雲生衣奚童掩面不
敢視踈伏榻下高聲啼深夜無人秋月黑髣髴神靈樹
間立風霜歷盡數百年不改蒼蒼太古色參天蓋地誰

與同並立宇宙元氣中擁腫不邀匠石顧孤高豈受
皇封畫師好手圖不得鳳皇遲來空太息梁棟有材人
不知自全其天壽千億願爾化作雙老龍翩然跨爾游
碧空若待風塵俗眼謬相賞受茲汗辱何時終

積雨歎

羣龍汲水翻江湖恆星不見白日無斂步不敢出戶趨
戶外處處皆泥塗江南春到啼鷓鴣才開桃李生蘼蕪
得時草木嗟何辜旣枯不榮榮復枯南方土薄深可虞
欲招蒼天向天呼願天心與我願俱移甘霖向西北隅
盡灑旱地人民蘇

蔡瑜卿有弟慧早卒取謝康樂西堂夢弟意繪西
堂思夢圖以志悼硜士賦長歌并勸同作

池塘水涸春草枯空堂人坐明月孤熱血一斗畫圖裏
對此長歎三嗟吁君家有弟如惠連年方總角才翩翩
新詩出口動賓客柔毫著手生雲煙玉樹枝折雛鳳死
詩魂和煙墮花裏天上應題白玉樓人間歎失麒麟子
金荷燄碧寒刮風漏聲冷滴霜壺銅數年無夢到孤枕
紅淚濕透秋芙蓉淮南孝文亦兄弟尺布之歌天下恥
高辛二子各一方忍哉兄弟爲參商君能矯俗眞男兒
友愛堪作薄俗師生亦相憐死相憶眞宰上訴天應知

天帝聞之動顏色立遣巫陽下空碧吟魂招入西堂來
夢中歡若平生時

登曾家亭子失足墮池戲爲短歌

蛟龍得水雲雨興志士亦喜破浪行我來登眺墮池水
柳枝嬌弱扶不起波心蹴折十丈蓮衣裳拂拂荇藻牽
丈夫生世不得志宜狎鳧鷖逐翡翠恨身不得長鯨騎
直渡弱水尋蓬萊解衣晞髮坐卷石仰視青天明月出
八月十五夜懷東郭散人
久負山水約坐聽蟋蟀吟清風從遠來吹我開塵襟仰
視無纖雲爽氣浩以深碧空月團欒照見栖樹禽流光

入我懷皎皎同此心閉門卽遺世何必栖鄧林好古不
泥古處今忘爲今欲尋同心者高談以鳴琴

上巳祓禊歸作

閉門獨徘徊宿鳥啾相語殘陽怨晚花孤影空庭暮轉
頭若夢寐方寸起千慮傷心人不知春風幾回度

昌碩道人刻印歌

商周之世防詐虞范金刻玉爲璽符龍鳳篆湮不復睹
但備其說存於書嬴秦劉漢制度易歷三千年至今日
英精不滅天地間賴有好古人能識好古之士今數誰
昌碩道人才不羈得秦漢印尊爲師金石到手如切泥

絲竹啁啾不知處滿湖殘月啼寒鴉明年今日復如是
三月陽春莫揮淚人生聚散豈有常有酒沽時爲花醉

羅浮山歌索昌碩畫梅

羅浮山高高接天中有梅樹垂千年昨夢身騎赤龍子
飛入羅浮白雲裏山空無人響流水寒梅不開樹枯死
我乃理瑤瑟長歌喚春回萬花倚東風頃刻爲我開采
蝶大如盤起舞入我懷翠禽叫明月勸我玻璃杯縞衣
仙人喜再拜梅花主人今始來平生多白眼意氣爲人
賤梅花愛我不入時引入羅浮夢中見君家畫妙筆有
神須爲我寫羅浮春鐵榦冰花橫素壁蕭齋六月忘炎

熱... 題畫三首

題畫三首

啾啾黃口雛同啄階下燕飢不得蟲蟻鷹鷂遠相伺雄

冠峩峩羽翼燦一鳴驚人天下旦

右雛雛

吐素絲齧柔桑作繭成赴鑊湯願君子服服無數一尺

錦繡命千百

右春蠶

銀鱗潛清波誤吞漁父釣豈不懷江湖戀餌身不保神

龍天矯天外游豫且任子徒沉鉤

右鱸魚

題自寫折枝梅花

折花長吟四山答響荒巖蒼蒼明月初上

寄昌碩

平生不合惟好梅梅花落後無新詩漫天覆地樹葉綠
空庭夜夜啼子規君詩忽然照我眼畫梅贈我如瓊瑰
對之幽香冷沁骨六月可以冰人肌嗟我弄筆粗解事
奮力思與陶謝齊今不及古理茫昧莫啟其覆同醯雞
十年木榻坐欲破苦吟時見雙眉低狂名無端壓時輩
迂怪頗受庸人譏東郭先生墓宿草久無詩客來叩扉
閉門若在窮谷裏撫松倚柏餐靈芝持身孤潔比梅萼
此意炯炯青山知與君傾蓋如宿覲歲寒不改金石姿
撥雲同君探梅去明年鄧尉春風時

輓張子祥

海上大手筆越中老畫師丹青南北派風月宋元詞鶴
髮死仍客鴛湖歸已遲壁間挂遺墨悵悵看移時

夏日漫興

微雨助清興白雲看掩關千秋閒裏想五嶽夢中山世
事問何益舊詩聊自刪不須餌丹藥汲汲駐愁顏

習射

清晨挾弧矢習射砂礫場樹的百步外箭發流星光不
屑貫蝨心直欲穿石梁豈曰身好武使我筋骨強人生
坐飽食手足如不良血脈不流動患氣相中傷嗟彼文

弱士吟哦守空堂白頭手編策目光一寸長力不勝四
雛遇難空彷徨射爲六藝一聖人所不忘利器一在手
威可懾虎狼男兒墮地時射天地四方長大若不習負
此身昂藏我思挽強弩仰天射欃槍世宇長太平妖星
永奔亡所志本迂闊眾人笑我狂握矢看雲立灑淚天
荒荒

兒啼行

雄雛未鳴星在天兒啼一聲驚我眠推枕欲起止兒啼
語未出口心慘悽兒無母啼亦宜西家小兒紅錦衣笑
言啞啞坐母懷否泰天地同一孩待兒長大有家室阿

耶傷心髮將白淚垂到曉秋衾濕

病馬

雄心日衰老關塞尙煙塵百戰酬恩意千金伏櫪身識
途期此日買骨待何人回顧駑駘輩嘶風氣未馴

寄懷吳秋農

送子臨歧日桃花紅滿枝今朝望天末木落雁飛時道
遠譌生死家貧易別離湖山風景好歸權莫遲遲

虞山劔門

峭壁開鴻濛百丈無寸膚勢阻雲際鳥影壓湖中魚上
游無數山氣鬱乃下趨胚胎成此境突兀天一隅日月

明皇白雲詩存卷一
三
出其旁人謂太華徒負奇不肯下欲使羣山奴我嘗杖
策登爲茲三歎吁天能生奇石豪俊何乃無靈秀氣所
鍾貪肉多鄙夫嚙嚙切雲漢徒作心目娛安得倚天劍
斫之置吾廬

八月十五夜作

孤坐怨清夜令節不成歡忽見雲中月皎皎向我圓月
缺有時圓人別見常難生者各一方死者埋幽泉知己
生死隔誰與共笑言起步繞庭際欲使心暫寬攀桂起
宿鳥倚梧哀暮蟬遠聞飲酒者清歌妙吹彈歌不悅我
耳酒更愁我顏形神長塊然局促天地間解衣且安寐

人生無百年

平生十六夜

百感難排遣孤吟和斷更窗涵銀漢影樓閉玉簫聲花
落夜如歲月圓秋滿城寒蛩爾何恨絮絮草間鳴

息重亡婦姚墓下作

頽岸鳴哀湍迴風動野馬高墳聳秋荒衰草淒沒踝設
祭一來此恍惚身復寡新人聊慰情此恨終不舍回首
平生事幽衷浩難寫心慚婢僕輩淚閣不能下悠悠天
地間造化任陶冶後生得爲人願作忘情者

游劔門歸酬渺懷居士

吾生負奇氣猛志排闥闔及壯無所成乾坤坐跼蹐頗
懷山水好放意任所適眄彼西山巔高峯切雲日怪石
虎豹蹲險磴臨不測三年兩游此悉值九秋節看菊逢
素心談笑窮理窟烹茶辦精饌慰我飢與渴不然荒山
中無物堪作食拾芻同猿公躑躅趾流血惠我一書札
意重比金石招隱雖有心惆悵未肯說我心不忘世塵
網安能脫何時來結茅眠雲抱明月

短歌題古琴拓本

平生好紙筆不解調絲桐謂將古樂鼓今曲知音笑倒
塵埃中我欲得此琴攜往滄海東喚起師曠授清徵洪

濤拍天舞老龍歸來明月空山裏一曲泠泠和秋水

題昌碩飢看天圖昌碩時寓滬上

金銀氣熏天蒼蒼醉夢裏抗喉大呼如不聞況乃無聲
兩眸子浮雲決鬱迷九重眞宰上訴誰爲通憑汝滿眶
熱血射南斗枯腸輓轡轉腹中飢來看天亦何爲吾知
看天非爲飢丈夫磊落不得志此意欲使蒼天知天卽
知此意禍福天無權才人國士伏草莽沐猴餓虎皆衣
冠乾坤瘡痍瘦存骨剔抉膏血供晨餐汝心厭飢寒富
貴易事耳去汝赤心傲骨滿飲盜泉水不然枵腹白眼
塵滿衣手版倒持百僚底金石文字萬八千持之不易

明皇正元房言不卷一
五斗米未得辟穀方難覓餐玉法人生世間駒過隙何
必閉門苦吟搜括造化窟一詩鍊成髮欲白寒不可衣
飢不食一官雞肋棄可惜故鄉遙望空白雲十年眼倦
吳天碧胡不典衣沽酒海上發浩歌人不信天天奈何
醉夢封侯十萬戶起看落月搖滄波

丁亥元旦

屐聲塞巷牆鳴鳩雨洗積雪山當樓今年歲首欲自壽
舉酒又恐添新愁狐裘乘軒門外客懷中有刺時一投
笑我衣冠嬾不出對花得句方冥搜

題族子淇小象

少年從軍討狂賊書記翩翩幕中客中年走馬章臺中
美人顏色桃花紅今年年已五十一橐中無金四壁立
世事反覆須臾間皆人自爲休怨天爲汝題詩歎汝老
丈夫立身須及早

殘冬游趙氏園林四首

來步名園裏重開眼界新苔枯石受履竹淨地無塵高

閣梅當檻長隄柳待春池深水空闊鷺鴨不驚人

危亭拔地起頂上俯塵寰孤鷺天邊水斜陽雪後山眼

看碧落近身與白雲閒經歲牢愁積憑高一解顏

閣道低臨水山松巧作闌凍魚潛藻靜暮雀聚林寒兵

火傷前事經營復舊觀長吟擬題壁搔首脫儒冠
平生爲世棄久欲託漁樵曲檻可持釣疏林宜挂瓢茗
香浮碧椀詩思在紅橋花放當攜酒頻將壘塊澆

題畫八首

送別秋江頭握手不得住風利布帆懸故人從此去登
高復望遠落日青山暮蘆荻悲蕭蕭如聞臨別語

空山絕人蹟萬古碧浩浩嵐高無鳥飛秋深有猿嘯其
下溪水清有客靜垂釣翛然塵垢外與子可同調
不走長安道索句空山中疲驢踏殘雪兩耳鳴西風鳥
獸伏巢窟草木無春容青青好顏色獨有懸崖松

寒泉破雲飛百丈落澗底橫几坐孤亭擁書聽流水四
山青濕衣雙松翠映紙巢父未免俗笑彼猶洗耳

爲愛聽松風結屋山中居水聲澗窗牖石氣寒圖書有
客叩柴荆所語惟樵漁誰謂今世人不在黃農初

城市多囂塵雲水覓幽境虛亭納松聲清溪盪山影放
眼天宇高談詩秋日永歸途明月光有燭不須秉

縣門輸稅罷歸我山中宅短櫂乘晚風漾漾秋水碧茅
茨已在眼炊煙出樹隙家人啟窗望一笑慰行役

寒鴉起荒渚衰柳隱河橋估客此泊舟心旌常搖搖倚
篷看山色鄉思隨暮潮欲寄家人書雁入秋雲高

臣曰方其言不免一
二月十二日懷浙中二友

太息無可語園林春氣回
曉鶯催夢覺夜雨報花開
青眼肯隨俗黃金不買才
羊求別來久三徑長蒼苔

題硜士水榭

小榭藕花繞短牆修竹陰
一椽容抱膝百歲足娛心
巢燕春觀弈池魚夜聽琴
納涼看華月應獨倚青吟

立春

土牛送寒氣喜鵲報新春
白眼酬佳節青山笑野人
難將千日酒醉此百年身
且共尋梅去東風又水濱

龔節婦行

松江華亭人夫寶仁
人淮軍積勞病死

鴛鴦失其偶畢世不雙飛悲鳴宿荒池夜夜常苦飢驚
起寡婦眠挑燈補寒衣夫壻去從軍一病歿不回時時
幽閨裏夢見魂來歸昔日將出門牽衣兩依依新婚二
三月恩愛當此時開鏡畫蛾眉折花戲羅幃隨年樂光
景永永無別離男兒功名念豈爲婦女羈烽火衝天南
太白照旌旗忍淚不回首日落黃雲低入營謁主將轉
戰隨王師玉帳夜草檄孤城看合圍豺狼鬪海上鼙鼓
鳴春雷厲氣中臟腑鬼伯急相追親身無寸裨脂染草
根肥魂魄游故墟月黑行人稀閨中望平安尺書杳難
期猶願邀微功可以慰孤栖人從戰場至語急容慘悽

實聞死葬處血淚垂兩頤慟哭呼皇天九泉誓相隨遺
骸淺土中安忍飽狐狸春秋逢令節麥飯持者誰銜哀
涉波濤喚鋪臨荒陂風吹百草青海濱塚纍纍中埋萬
古恨不得歸鄉畿撥土見白骨萬一爲人欺何以別真
贖齧指禱神祇灑血天地愁腥雨落海西滴滴入朽骼
死者如有知函歸祖宗墓樹以青松枝勵節廿餘載凜
凜冰霜姿宗祧世所重立嗣撫孤兒兒身旣長成願畢
從此辭地下見夫壻細語來遲遲

寄楊藐翁

峴

天運尙貪懦志士遭棄擲名都擁軒蓋誰復盡厥職翁

今爲寓公三吳仰詞伯不肯陳治安有時頌酒德長吟
慰遲暮興高頭轉白辭清山露骨每恨人不識臨池寫
碑版揮灑池水黑腕下走雷電日盡兩丸墨中郎昆弟
行李潮不敢敵志潔老彌芳道高毀逾力我聞翁名久
願一見顏色握手延陵豪同過子雲宅閒門閉春晝花
落羣鳥寂翁方夢歸鄉吟看越山碧主客語未通舟子
理歸舶歸來琴川上松下讀周易力學已十年猶未知
損益嘉惠書一通偃仰蛟龍蹟規撫韓勅碑何慚漢人
刻張之蕭齋中俗眼驚失魄夜同匣中劒光怪生古壁
只恐神見妬霹靂奮下擊情深見毫素知己豈易得願

言同翱翔媿乏南溟翼

題昌碩畫筍菌

湘江筠管老出筍墨池水氣蒸成菌吳侯畫法脫畦畛
能事不爲尺幅窘萬花落盡白日長登盤且喜野蔬香
中朝大官飽食肉焉知此味思還鄉

哀二友詩

徐硜士銘彝

徐君落落古介士自君之亡天喪予高懷大可置羲昊
至信直欲孚豚魚年荒寫字不乞米家貧典衣常買書
嗚呼斯人卒難得痛哭愁天翻日車

蔡樸盦鍾瑋

蔡子作事頗不俗酣飲美酒隨天機三十年臨漢碑字
二千金救河南饑愛子猝亡怨偶在一病竟向黃泉歸
雖非久交亦深痛海虞人中似此稀

築屋

築屋栽新樹攜孥返舊居一家團骨肉半榻聚琴書盛
世無才樂閒門俗事疏自慚還失學問字莫停車時吳子茹
欲從子學古文力辭之子茹昌碩子也

題秋聲夜績圖

圖爲族昆子文悼亡時作去今四十餘年矣其

嗣淇出徵詩淇老且病妻兒先後死從軍得一
官不能就并及之哀其遇焉

露蟲泣草根窗外秋月輝閨中弄機杼織作禦寒衣機
聲一斷鏡鸞死月下瘦魂呼不起孤燈秋思人悼亡畫
師寫入丹青裏圖中稚子今老人骨肉零落家又貧軍
中功名一片紙荒村日暮無妻子

數得昌碩書却寄

梳子華才謝菖蒲葉又新家居如客舍久雨絕來人歲
月經愁眼詩書誤此身天涯吳季子短札意相親

苦熱

苦熱望霖雨昊天雷伏藏火雲燒樹赤泥水映山黃欲
睡眠難合無求心自涼荷花三萬頃何處白雲鄉

言蓉湖上

西風已如此衰柳尚依依流水隨天遠孤雲共雁飛不
堪寒景逼空望夕陽歸羨爾垂綸者無心守釣磯

對酒和昌碩

牆頭老樹爭栖烏空階無月黑井梧丈夫三十草間住
有酒不飲何其愚

擲杯大笑看南斗如許乾坤兩空手故人海上招不來
惟有青山共樽酒

明倫彙編 家範典 卷一百一十一
三
壺觴倒盡壘塊多秋風捲雨翻天河不如與爾醉燕市
漸離擊筑荆卿歌

和昌碩小象自題

秋風入荒園酷暑仍逼人梭樹老相對葉大如車輪解
衣看白雲箕踞席厚坤手懶把書卷口不銜酒樽始知
曠達者真能樂其身當茲六月杪赤日燒黃塵下僚裹
章服伺候公卿門貴人未卽見翻遭閻者瞋流汗不敢
言磬折致殷勤吾友繫一官懶散滄海濱靜觀畫中意
道在何憂貧我最畏暑毒三伏門無賓晚來納新爽披
髮長松根雲中落短書開緘字氤氳讀罷自題句六合

消炎氛君歌我長謠異地如相親勉學邯鄲步冀運成
風斤

吳秋農索題古蘭竹畫

屈平賦離騷湘娥灑清淚誰將數尺紙寫此萬古意風
塵昔頃洞流落人間世忽遇素心人空齋伴秋思

對雪

風雪塞郊坰寒雲疑不飛江山誰對酒天地幾無衣嶺
近牛羊下林空鳥鵲饑東南民力薄猶喜稻梁肥

題昌碩蕪園圖

園林貴清曠俗士乃粉飾黃金買土木役盡百夫力何

如一茅亭松竹延野色寒蓬闕微徑老樹拄頽壁蕭蕭
響天籟此是清淨域主人束書去江海入行蹟中秋客
中度對酒難下噍緬思門外柳誰倚山月白獨鶴中夜
飢徘徊不得食高歌懷故園無田歸未得撫圖增感慨
終當老泉石他年泛酒船來尋故人宅

望昔禹甸荒蒼人開世念數素心人空齋斗斛思
風平知難避賦賦難避難避難避難避難避難避難避
吳煥對索墨古詩書

風八

鳴堅白齋詩存卷一

鳴堅白齋詩存卷二

常熟沈汝瑾石友

廢塔

城東無青山孤塔與山對
乾坤混茫中卓立將千載
琉璃劫灰滿鈴鐸罡風墮
世尊黃金裝雨漏成積塊
空洞巢鷓鴣暗慘藏魑魅
蝮虺善知識狐狸大自在
蓬蒿不能梯頗覺耳目隘
精鐵浮圖尖雲氣往來礙
久被龍尾捎倒擲地軸壞
斷磚建炎字拾得付一慨
當時建雄刹丹碧窮壯麗
欲使主位高不惜金帛費
民心安能鎮今益壞風氣
斯塔在我眼有若一芒刺
登臨不適興土木

恐多事四民乏財用釋氏未沙汰安得巨靈手擲之八荒外

山中題道人壁

依松蓋茅屋空山讀道書十年不見人專心慕玄虛丹砂夜勤餌白髮秋嬾梳言將入滄海飛跨琴高魚

忘機

病入觀書眼愁添閱世心忘機玩魚鳥隨分住山林長日供閒臥華年付短吟赤松在何許安得一招尋

秋日漫成

不雨留殘暑空啼屋角鳩雜花秋細碎老樹夜颼颼待

月琴眠石看山簾在鉤能詩最無益祇覺益人愁

餓鴟

餓鴟守空林毛羽何摧頽幸遇晨風吹得向南山飛草
深蟲蟻多啄食將身肥鼓翼近雲漢鷹鷂不敢窺長安
游俠客金丸彈野雞力猛兼中汝幾落汙池泥僥倖得
性命憔悴還故枝故枝有寡鵠眼暗不識鴟勤辛子其
雛謂有反哺時鴟意亦良得跳躑感恩私一日銜腐鼠
公然穿我籬拍案起驅逐垂頭如伏雌野性終未馴隱
身牆外啼會有設羅者殺汝佐酒卮天理有剝復勿謂
人可欺

九日歸虞山

荒村喔咿雞亂鳴孤舟五更衝霧行朝曦倏出照篷背
十里外見青山迎歸心疾於出林鳥重九難得皇天晴
東籬菊花瓦盆酒到家一笑詩先成

題昌碩畫

缶翁作畫磨斷甃枯墨著紙風淅淅霜中殘菊折未餐
寒燈照影秋半壁冰心不可夏蟲語幽境能令天籟寂
繁華君厭申江頭詩情應向圖中覓

昌碩示同游滄浪亭詩和四首

古池荷開宋代水長隄柳拂吳中天名園多少荊棘裏

此地獨傳七百年

入門一笑秋意足
苔枯藤老紅薇開
虛堂無人燕歸去

栩栩瘦蝶尋花來

南風帆檣城外船
落日峯巒樓上山
蒼茫萬古不盡意

人生難得今朝閒

偶來亭上歌滄浪
歸臥空山詩夢長
夢見幽窗萬竿竹

五更濕雨寒生香

丁亥秋日宿報國寺側精舍四首

徒步登絕巘
喘吸風入腹
舌枯足力疲
倚石昏兩目前
朝舊蘭若旁
結數椽屋
紅明檐外霞
綠暗牆上竹
叩門

入休息自笑客不速酣談沃苦茗開軒面叢菊山中饒
幽事頗恨來不數殘秋日苦短夕陽下喬木須臾四山
黑酒熱黃梁熟

夜來山上宿酣寢忘晨鐘飢雀喧空庭旭日光瞳瞳披
夜起盥漱飛步齊女峯清氣入肺腑呼吸與天通野色
來蒼茫萬族皆夢中東望見滄海濁浪搖秋風何處三
神山金闕蓬萊宮人生覆載內拘若鳥在籠安得遺世
事辟穀尋赤松手攀樽桑枝倒跨蒼髯龍

低日照平陸晚景不可孤箕踞危石上一身凌空虛下
視楓樹林丹黃萬千株有如歌舞地蜀錦爲氍毹落霞

美人顏萬籟皆笙竽造化幻此境慰我寂寞軀不久當
歲寒天地成槁枯明明萬花叢歛變荆棘途及時刷兩
目高歌聊自娛

四更清夢回窗白謂天曉出戶雞再鳴中天明月小北
斗挂巖壁薄霜結庭草天邊樹影黑湖水白浩浩平地
常看月頗恨月光少絕頂無罣礙方知此間好眼界拓
千里靈氣餐一飽神倦將入門枕上夢三島鐘鳴東方
高喬林起飛鳥

感事

大海防秋急空城轉餉難朝廷容納粟輿隸競彈冠名

器何輕擲軍威儼壯觀瘡痍滿天地誰爲慰飢寒

黃河

黃河決口當鄭州數縣百姓隨洪流魚龍黑夜舞風雨
波濤直接城上樓天心豈是少仁愛官吏却與民爲讐
長隄萬里築如鐵廟堂安有蒼生憂

歲暮寄昌碩

薄宦憐君健移家逼歲除租船冒風雪海上卜新居日
短饒人事河冰遲尺書長吟看雲立空谷劇愁予

菖蒲

古磁清水養四月翦初齊細葉常垂露仙根不著泥竹

窗蘭共賞藥籠艾同攜豈似無名草江頭雨一犁

寒飲寄懷昌碩

雪裏輪囷樹樽前壘塊人相依天地內共保歲寒身把
酒消殘臘題詩迎早春聞君厭奔走何日息風塵

督奚奴收雪供茗飲

秋冬苦無雨行汲勞僮僕河流雜泥沙腸胃積塵濁夜
聞窗外雪簌簌下林木天明披裘觀大地積羣玉北風
捲復起勢欲平澗谷可憐荒園裏壓倒數竿竹喬松與
叢桂倔强撐石腹上蒼有深意降此慰心曲天物不可
暴棄之恐非福太陽一照耀黃金萬莫贖指揮具筐篚

提攜入空屋潔白本來相無使蒙垢黷搏結實古甕計
得水十斛石鼎煮苦茗新火然樸楸夜吟潤枯喉一甌
勝醜醜生產嬾不問此物解儲蓄使能療我飢從今斷
梁肉

人日

人日今朝是春來覺太遲山留隔年雪花縮向陽枝煮
茗判醒睡觀梅誤約期悶攤書卷坐當食亦忘飢

新年

麗日燒燈節江梅初試花年豐人喜樂縣小市繁華繡
屋鬪盧雉春城藏狹邪無心去徵逐石鼎自烹茶

北郭集飲戲贈趙非昔丈
山公鬚髮蒼跌宕少年場
罰酒不辭醉吟詩能獨狂
齒堅餐筍嫩身健看花忙
更約殘春飲佳人錦瑟旁

夏日雨後至桃源澗

青山三日雨雨過山空濛
似聞百道泉爭注荒澗中
清晨發幽賞樵徑無人蹤
不聞蟲鳥聲石古樹葱蘢
水流下高陂磊塊付一衝
大聲震雷鼓猛勢翻白龍
此水豈無源大與盤杆同
兼旬乏雨澤一勺立可窮
我聞匡廬山山高接蒼穹
瀑布挂千丈萬古香鑪峯
無翼不可飛看雲仰晴空
杲杲巖上日謾謾松間風

哭姚伯亨表弟三百七十字

太歲在戊子八月十九日我起未盥漱坐看太陽出排
闖走女僕未語先咄咄傳君卒李家妄語謂當扶前三
日中秋北郭茗解渴同觀野人家盆樹老蟠屈笑指古
松根欲舁置書室歸途踏明月飢買棗糕啜年少精未
亡病死豈倉卒況兼我舅氏愛物及蟻蝨仁心動鄉里
萬口頌如一安有垂暮年一子致夭折皇天意慘毒顛
倒理難詰凶問雜沓至熱腸置冰雪視君夷牀中萬古
此長別兩親垂白髮孤女才四月無言可相慰對面泣
嗚咽我長君九齡前事記恍惚君身墮地時我母罹痼

疾聞兄晚得男倚枕顏色悅失恃二十載思之痛心骨
甲申吾喪偶是日三月七君來哭長姊哽咽氣凝結含
淚抱阿甥囑我調冷熱此去長夜臺冥冥路如漆儻遇
姑與姊痛哭腸斷絕遙知泉下心更比生人切當君合
婚時庭闈願欣畢如何房中樂變徵聲裂瑟瑟傷二老
意恆使寸心鬱憂深損肝腦身瘦耗氣血省母入東城
竟與家門訣暮出朝不歸魂斷女牆月春秋二十二疾
逾電光瞥乾坤鬱莽誰有起死術家庭有翻覆五世
祀艱脆欲爲生者謀痛絕不可說

題鍾馗象

一尉酸且寒理當拜豪貴終歲腰挺挺所以神作崇望
塵下跪者趨走何便利昨日新得官腰金結車騎

謝昌碩惠冰仙畫扇

仲秋氣稍涼老桂花庭前故人寄我扇上畫姑射仙盈
盈翡翠裳皎皎冰玉顏珍重懷袖中詎肯筥篋捐登山
攬白雲雲飛上青天何物報君贈永好金石堅

戀棧馬

戀棧馬忘馳驅主人愛比初生駒金鞭不忍加汝軀披
錦障泥食玉禾偶然騎看長安花道旁歎汝恩遇多恩
遇多筋力縮不如疲驢駕車軸千里萬里報主恩落日

秋山霧中宿

老農述災象作此詩

一雨四十日低田行大舟餓犬屋上吠巨魚牀下游張
網捕魚食魚肉甕中無米煮薄粥天寒日短風蕭蕭前
村寡婦攜兒哭

舟中觀刈禾

孟冬稻熟水未縮田家只在水上宿腰鎌入水水過腹
水底毒蛇齧人足割得禾頭載破船推船纜向垂楊邊
城中貴人正賞菊醉聽紅袖調三絃

書天津三烈婦傳後

王兆霖妻金慶蘭妻周王恩妻金皆殉夫死

同治年間事也

如鳥比翼木連理三婦絕粒殉夫死皇天使作鬚眉身
臣爲忠臣子孝子一抔黃土烈骨香年年墳樹栖鴛鴦
吁嗟乎海隅城南冤鬼哭夜半雄歸被雌毒

畫菜把酒甕戲題

燕領與虎頭自分食肉相坐讀數卷書未爲萬人將寒
蔬下濁醪至味霜雪釀翻笑党太尉羔酒銷金帳
有客一首贈蒲作英

有客亂髮飄蓬根殘年懷刺來叩門青氈破硯秃毛筆

江海萬里行一身黃金脫手家仍貧賣畫賣書三十春
松間下榻話山水睽睽霜月寒窺人

無聊下情

下情難上達上官好虛名偏災奏蠲賦三吳人盡驚村
村聚抗租喧叫如勒兵租吏畏老拳縮頸不敢爭城中
千百戶各倚田爲生區區擔石儲內顧惟吞聲愁歎聞
父老兒女憂長成新年宴會稀賀客冷門庭東鄰老縣
官愁白髮幾莖爲己且不暇何暇順民情田家洵多樂
新穀堆至楹黃雞下白酒鄰里過柴荆醉飽負暄博錢
布校輸贏昨日城市來蚩蚩聚如蠅爲婦買花粉攜兒

鳴鑿臣齋詩存卷二
看春燈一二窮水鄉實惟有災氓發賑翻不及飢蟲腹
中鳴破褐不蔽肝懽憔悴無人形苦樂既不均世事何由
平誰人將此詩歌與中丞聽

三月三日出游

是年閏二月

春陰湖畔路佳日一經過上巳桃花落西山游騎多笙
簫村裏社鶯燕酒邊歌誰道年荒歉船船鬪綺羅

無聊

無聊三月暮處處綠陰斜延月因芟竹留春更買花栽
書詢友病將畫補窗紗屋後數弓地商量學種瓜

昌碩寄詩答兩首

情重嫌書短交深喜病痊乾坤詩一卷江海別三年五
月尙湖路荷花紅酒船思君君不見石榻看雲眠
迢遙海上頭訪舊少扁舟白日坐成夜竹風涼似秋難
同山水樂共抱古今愁誰識離羣苦飄飄一野鷗

夏日酬醫人見懷之作

憐我知交少裁書慰起居閉門惟養拙飽飯不求餘琴
裏風雷引牀頭莊老書問君醫國手何藥治迂疏

性直寡朋友一首寄昌碩

性直寡朋友長無鄉曲譽秋風獨攜酒遙酌巨卿墓他
鄉有同心拏舟訪蓬戶闊哉三年別留作十日住放懷

論詩材抵掌談世務忽忽又言別雞鳴束裝去長揖送
出門落月屋邊樹滅燭就枕臥納涼夢聯句日高倦忘
起妻孥笑嚙語丈夫各有事聚散風中絮豈若鹿豕羣
歲月長聚處

聖壽節

庚寅六月二十八日

彩幔五雲合華燈萬戶懸金銀城不夜羅綺女如仙酒
肆尋紈扇香輿落翠鈿遙知無逸殿齋戒正祈年

庚寅八月十六日歸天石招同人游西郭外酌酒

品泉彈琴玩月而歸得詩四首

素心具扁舟招邀賞幽僻黍穗蔽隴黃蘋花點波白漾

漾山漸近孤村爨煙直停橈步登岸瘦犬迎生客地僻
竹木繁歲疫童稚瘠村媪出門望絮絮問來歷矮几便
且潔慨借供酒食翻笑城中人箕帚有吝色開樽古楊
下日影漏葉隙深杯滉晴波快飲堪一石禮數存質樸
風景助笑劇飯罷品泉去解纜凌虛碧恨無騎牛童醒
醉叫風笛

古寺倚山麓後有石洞泉泉深不見底大旱無乾年挈
壺走岡陵碎石刺履穿入寺逢老僧碧眼高雙顴頑蠢
如鹿豕點首無一言牆頭巖桂花禪室新兩椽淪茗對
幽香欲擷金英餐清冽踰虎跑不忍遽下咽棱棱滌牙

齒凡骨成飛仙探泉入古洞毛髮生清寒烈日不到地
當暑可著緜苔荒絕蟲語石滑凝蛟涎沉沉太陰精
白虛空天滿腹不願多下疑有龍蟠浮嵐潤松杉飛雨
送入船心愁此良夜難看秋月圓
雨點鳴菰蒲風聲和吟嘯河橋叱歸犢野艇罷晚釣素
琴開涼秋有客理幽操泠泠聲太和足以釋矜躁白魚
躍波聽紫雁穿雲叫今人尙新聲俗骨不可療箏琶雜
淫哇嗜欲塞九竅知音古難逢太息少同調曲終滿船
靜緩放尙湖櫂推篷酌清醕雲外懸落照晴陰須臾中
天心豈人料薄醒倚風露一覽收眾妙

風露滿草頭婉婉圓月升未到西風頂已見湖波明湖
波一千頃澌澌如水晶波光接露氣世界冰琢成青山
色變白恍隔琉璃屏星芒劍鏑寒插水潛虬驚是時爽
氣高萬籟涼無聲乾坤一葉舟泛泛風中萍昨宵是中
秋懷人步閒庭兒女陳果餌拜祝月長生人事有離合
明月有虧盈吾欲攜吾友乘槎泛滄溟猗猗赤龍鬚拔
作拄杖擎拄之登方壺高揖衛叔卿徒作出世想泛月
歸南城回首柳陰下微火漁燈明忽忽各還家鼉鼓椎
深更曹騰覓枕睡山水有餘情

松蘿寄昌碩

明皇白齋詩在卷二
三
松陰昨夜秋雨足采蕈如采藍田玉登盤細嚼百味空
亟呼覆却花猪肉夜航封寄滄海濱下箸滑勝千里蕁
山中紫芝儻覓得更託青禽貽故人

趙非昔丈示林屋紀游詩卷題二首

先生年壯時洞庭發奇謳斧斤運心匠鏤琢山靈愁涼
秋當九月菊黃酒新篘挂席鯉魚風盍去尋昔游
捲卷敲枕臥夢登縹緲峯低頭望太湖日落湖水紅臨
風浩歌者恍若長髯翁舉手欲問訊擲杖騎蒼龍

雙鳥詩

并序

庭梅高不及尋夏秋間有二鳥巢於上毛色蒼

赭似雀而小鳴聲啾啾至冬雛成委巢而去如
此有年矣其去不知所適來則毀舊巢新之不
失尺寸低可立而窺予每推窗步庭際二鳥探
首望絕不驚畏若他人則翔空際去久乃復似
知予之無機心焉嗟乎予屏處一室人無有樂
予近者凡狹邪博塞酒食游戲諸事不屑爲亦
不能爲則憤懣寂寞何以解是鳥也棄山林之
深松柏之高園囿之清且曠而集予庭不可不
紀古人有感物興懷之作是以效之也

婆娑嘉樹陰翩翩集雙羽辛苦營新巢日暮冒風雨信

予無機械自謂適樂土和鳴若有意覓食傍衡宇啁啾
和清詠羞與黃雀伍靈警異凡鳥智足避網罟勿隨梁
上燕雙飛入朱戶斑狸繫金鈴牙齒猛如虎
惜非原上鴿又飛出谷鶯向我一枝借令我心氣平人
生無聊賴寂寞感物情天寒恐汝飢喂粟缺足鐺昨夜
霜霰下落葉寒有聲晨興戲巢內羽翼雛將成雛成各
自飛空巢委月明願鳥長雙栖願樹長敷榮莫令悲秋
客傷歎吟孤檠

古鐵如意歌

黑龍斷爪落九天化作如意眠青氈土花鏽澀鱗斑爛

金銀錯落明星攢擊石立破鼯鼠頑紅珊瑚碎愁琅玕
武庫糞食刀戟殘齧之齒墮饒流涎鬼神呵護歷劫全
文字磨滅難問年此鐵應采金牛山洪鑪踴躍異錫鉛
豐隆奮擊百鍊堅市南跛子鐵脚仙割愛與我易酒錢
我持起舞敲銅盤仰天高歌行路難慷慨頭髮衝儒冠
盲風黑雨雷車奔怪物欲攫窺頽垣釁以牲血紅如瑇
恐變化去潛重淵便欲攜之朝帝闈青冥路遙不可攀
鶴背難勝恨體胖何年擁兵虎豹關指揮三軍賊膽寒
熙朝堂陛無權姦不然擊殺如雞豚一使天下長治安
無人改鑄雙龍泉滄溟萬里騎白鼈斷長鯨首砥狂瀾

金樽醉倒蓬萊巔坐看大海爲桑田

劍門對雪

飛雪滿空山山高天更寒雙崖迎霧濕萬木戰風乾身
世娛樽酒江湖冷釣竿斷炊僵臥者誰是老袁安

劍門草堂寒飲卽景有作

草堂三間踞絕頂石徑險仄同褒斜兄弟空山夜對酒
冰霜老樹冬發花戲彈銅絃和白雪爲飼仙鶴研丹砂
昂頭出戶牛斗近欲趁海客天河槎

龍殿

度澗越林莽有廟傍古樹山僧掃落葉階下走僂僂中

祀白龍象冬薦無酒脯碧眼銀髭鬚袞冕法服古莓苔
青四壁隸卒壞兩廡龍爲鱗介長海濱是其主想見蛟
螭朝月黑走風雨今年夏苦旱桔槔渴深浦縣官迎入
城旌旗夾簫鼓祈求若有應旋降甘澤溥五穀賴以成
刺骨感農戶門前龍母墓荒草一抔土斷碣野火焚古
事不可睹我來日苦短殘陽照柱礎真形恨難見看雲
獨無語游人莫謾褻風雷起堂宇

中峯寺

時有蜀僧苦行焚修

空山聞疏鐘荒徑踏黃葉迎門古佛笑喜氣生兩頰琉
璃火青熒照見億萬劫殘陽鳥雀喧齋堂啄餘粒一僧

峩眉來晝夜跪合十口誦貝葉經菜色披敗衲愚哉此
比丘堅修淨土業形骸非槁木貪癡念方雜譬如儒家
流迂怪成結習魔障墮益深迷津乏舟楫僧厨動炊煙
歸路暝色合四巖靜悄悄天寒百蟲蟄

墜石澗

松風十里怒獅吼亂石欲作熊羆走一石突兀廣且厚
當墮不墮懸崖口千鈞一髮誰繫之山靈狡獪真好奇
脫爾竟落荒澗底雷霆碎訶巖壑同崩摧昂頭試望失
魂魄泰山壓卵無此危或曰大星墮空碧精英不滅化
爲石六丁力扶不上天遺此奇蹟荒山僻不然織女支

機石嫌大海客槎輕不能載舉手推向塵寰中欲使人
間米顛拜又不然媧皇補天餘留鎮東海隅當年置火
鍊五色陰陽爲炭天地鑪問石石不言日落蒼崖巔安
得今有賢達官歸壓萬里輕裝船不使鬱林廉石名獨
傳

咄咄
直道易見欺書空但咄咄知人不知心對面隔胡越潮
生心中血葉落頭上髮欲反貧交行長吟看霜月

楊藐翁贈顧茶村詩昌碩和之并屬同作

葑溪閉門客時撫一絃琴夜雨江湖夢歲寒松柏心題

明皇白虎詩卷二
一
牆詩筆健閱世酒杯深居近子雲宅不愁無賞音

再贈茶老

我懷虎頭老一水隔吳門生產硯田瘠鬚眉古道尊所
交盡名士無事倒清樽想見春游倦看花倚竹根

予抱胸腹之疾至丙夜則劇不能寐起檢昌碩來

書作此寄之

四更氣上逆起坐不容後連山暗蛩螿隔竹閃星斗故
人別三載書積一寸厚行行肝膈吐字字蛟虬走夢中
時相見軀貌瘦於舊比聞宿疾發藥甌亦在手蕭蕭氣
漸涼桐葉落窗牖秋風駕扁舟盍來作重九黃花開滿

籬青山對斟酒知君難踐約官事有職守勉旃加餐飯
各保金石壽

白鼻騮

油碧紫雲車銀鞍白鼻騮追隨踏芳草輕薄似楊花縱
博兼耽酒揮金不憶家可憐生產盡猶自聽琵琶

游中峯寺贈浮屠息機

山僧真樸忘勢利留客啜茗開松扃黃獨煑雪供齋粥
白猿踏月來聽經盞洗破龍澗底水碑讀伏虎墳前銘
有時兼旬不出戶荒階雨長苔青青

田間苦蝗久矣秋霖旣沛蝗蹟如掃作此志快

化青磷今人好譏彈門戶爭啟釁知音勿外求靈臺地
方寸

李烈婦詩

烈婦出錢氏李松雲室松雲卒守節艱苦粵寇
之亂逃於崑山之韓村賊至村外將渡河婦自
沉一女名昆玉隨母死

紅巾陷城掠鄉僻刀光照水水血赤奮身入河訴河伯
生氣凜凜魚鼈不敢食烈婦殉節女殉母金石可爛名
不朽鬚眉如戟負國恩大纛高牙棄城走嗚呼一門烈
孝俱身雖巾幗心丈夫韓村溪流響於邑如聞當時母

女相持泣

觀張二水草書長卷

磊落奇偉姿龍虎紛攫拏臂力挽百鈞不數筆陣圖毫
端入造化醮墨乾金盃長江大河氣浩浩腕底趨波磔
何驚人風骨孱欲無低頭附魏璫逐臭如糞蛆書屏祝
璫壽濫若蠅矢汙姦敗遭斥逐倖免斧鑕誅今人重墨
蹟何啻玉與珠不如鍾馗符尙能辟夔魑後有王覺斯
筆勢真齊驅咄哉貳臣傳有媿忠義奴才高並無行干
古供歎吁

昌碩北上書來話別送以詩

此去三千里悠悠吾道孤論交重金石惜別遠江湖燕
市誰憐駿吳船夢釣鱸梅花欲攀贈悵望隔長途

得昌碩都中書却寄

挂帆滄海赴皇都亟欲裁書問起居花下開緘成一笑
故人先我寄雙魚

樂毅墳頭酌杯酒燕昭祠下讀殘碑遙知古意無人識
荒草斜陽獨立時

古寺長街日看花新詩題壁走龍蛇愛才朝士多零落
誰解金龜付酒家

高車駟馬六街塵臺廢黃金士更貧應有英雄隱屠狗

憑君一訪市中人

吾友嚴陵讀書處三間茅屋劔門巔何時策杖同相訪

高臥白雲聽澗泉

題劔北畫梅

山虛水深石嶙峋東風不到花含頰道人鐵腳踏冰雪
獨折一枝太古春

暑夜獨起

雄雞未唱漏將終擾擾羣生睡夢中露氣侵衣織月落
亂螢星墮竹梢風

漫興

蝸角一憑鬪蠻觸蛙聲何必問官私
綠陰如幄枕書臥
竈下黃梁將熟時

送遠

絮語方殷促解維
秋風江上折楊枝
無情白髮催人老
一世能消幾別離

暑夜夢至劔門

劔門久不至一夢得清游
灌木三更雨空山六月秋
故人讀書處燈火出牆頭
欲叩松扉入雞鳴滿枕愁

讀左文襄公西征奏議

上相騎箕去西征奏疏傳
文章驚海外功業勒燕然
白

髮猶憂國丹心可對天
公卿多衮衮誰是善籌邊

題村舍

稅輕利厚少荒年
種得荷花勝種田
昨夜雨添三尺水
一雙鷓鴣浴門前

妄談

紅頰長眉舌吐蓮
妄談仙佛翼升天
袖中媿乏昌黎筆
傳得南充謝自然

飲

公

山

一雙...門前...

......

...

鳴堅白齋詩存卷二

鳴堅白齋詩存卷三裏乘船到後蘇州六鷺蓋交艇前

常熟沈汝瑾石友

消夏雜詩

小池浴硯弄碧水高閣枕書眠白雲閉戶如逃空谷裏

擬呼猿鶴與同羣

修竹高梧淨不埃冰瓜初剖色玫瑰科頭跣足猶嫌熱

惱殺長裾襪襪來

磨崖碑訪鄭文公避暑如登天柱峯縱筆一揮池水黑

居然滿紙走虬龍

手攜一卷草堂詩秋興能將病熱醫落木天風來紙上

笑他水浸白龍皮林與銷鼎熱沸水天風來灑土

通眉長爪貌清臞拂水巖頭去讀書那曉城中如火熱

寄聲促我畫芙蓉謂嚴吉士天林筆筆一聯水黑

讀書談詩缶居士燕雲吳水路三千五年不到山亭上

孤負松風六月天昌碩時游天津

苦茶新煮逸公壺涼沁心脾雪不殊白石清泉好風味

何妨癡絕似倪迂予得陶壺有逸公仿古四字白雲閑可吸遊空谷裏

汗雨蒸人夜不眠漫將酷熱怨蒼天熊羆十萬東征士

鐵甲生蛆卧戰船日本犯高麗王師東下常燕池池遊遊石石丈

身閒嬾種邵陵瓜夢裏乘涼泛釣槎卅六鴛鴦交頸宿

滿湖明月萬荷花
天瓢一倒覆滄溟
雨過斜陽沒遠汀
獨倚危樓看歸鳥
落霞紅映晚山青
樹頭結網看蜘蛛
竹裏風來日欲晡
如意自持搔背癢
不須纖爪遣麻姑
屢煎藥裏醫兒病
乍啟郵筒喜客安
飯罷昏昏只思睡
異書借得幾曾看
是日得族弟
天津來書
露下平林溽暑收
閩蘭香比水沉幽
梧桐小院湘簾卷
淡月疏星作早秋

孤雁

衝風冒雨誰憐汝寂寞江天叫斷雲共宿蘆花當日侶
稻梁獨飽不同羣

感事

未見倭奴面縛降揭天鼙鼓日春撞樓船礮碎龍旗折
戰血新添鴨綠江
唇齒相依異越秦救鄰恤難播皇仁羈縻養望無他技
誤國休休一个臣
牙山苦戰血盈襦人絕精糧馬少芻何日將軍天上下
旌旗重見黑雲都

甲午八月十五夜雨待月賦詩詩成月出

中秋苦無月雨脚紛淋浪一黑如混沌黯黹雲八荒空
庭飛敗葉老樹森以僵可憐丹桂花墮地無復芳壞牆
出陰火衰草啼寒螿姮娥斂翠眉無心舞霓裳雨師持
天瓢乘龍躡銀潢是時久苦旱甘霖比瓊漿已遲十數
日泥裂稻葉黃羣官走祈雨磬折土偶旁雖喜膏澤降
不救焚死厓天時旣已失人事又搶攘倭奴竊朝鮮何
異觸藩羊元老失勝算虜勢益猖狂輪舶碎飛礮碧海
沉軍裝千餘羆虎士未戰爲國殤白骨葬魚腹冤氣衝
櫂槍坐使牙山軍援絕無資糧孤軍一當十血戰裹金
創黑夜突重圍全軍走漢江此真將軍才功應表旂常

葉志超牙山失律當時諱敗爲勝見上諭褒獎
越十餘日其姦乃敗下獄論死不能貶度也
北洋水

軍督智短丸蝓蛻避寇如避仇不擊一艦傷宜正失律
誅髑髏懸高檣賞罰一失輕兵氣致不揚天心感人謀
五瑞嗟深藏所以雨失時佳節無月光人間賞月人金
鑪蒸清香飮盤雜梨栗設席羅壺觴釵鈿耀珠翠羅綺
繡鴛鴦擫笛玉指瘦吐酒紅肌涼愛月不能見徘徊以
彷徨海隅有匹士鬱鬱悲熱腸如意擊唾壺楚調歌激
昂雨止明月出萬象昭四方如美人初浴粉黛施薄妝
疏簾卷樹影虛白生茅堂自起滅燈燭洗日呼蘭湯豈
予一寸心上能格穹蒼再拜祝太陰永照漢道昌

與嗣初飲郭外酒家

酒家亭子清溪旁
秋塍灑雨稻葉香
黃雞下酒酌大斗
青山白雲笑我狂
亭中對坐堂堂張
六書篆籀分毫芒
人生安用苦識字
不如日日逃醉鄉
君不見道旁尙書
譚公墓無人澆酒
踰牛羊

秋霖一日夜坐雨悶甚又聞王師失利

秋夜一何長
秋日一何短
連天風雨惡
時刻味早晚
對食不下咽
胸膈積憤懣
壯年成衰頹
猛志變迂緩
東征失大將
雄關若無楨
碧血埋黃塵
馬革尸不返
狂寇吞舟鯨
殘軍喪家犬
盛京爲震動
扼險恨江淺
朝廷憂旰

食公卿口如鍵布衣歎時艱於時何益損不為負天鵬
 甘作飲河鼉三日即重陽賞菊持酒椀但願浮雲開極
 目千里遠登高虞山顛嘯歌結幽伴
 九日偕友攜酒桃源澗天風雨驟湖波涼
 酒徒三四輩澗上作重陽日落寒泉急山空野菊香停
 杯憂國難聽雁感年荒慷慨傾壺釀無由入醉鄉

趙曼華先生山水花卉畫扇其嗣次公收得合裝

長卷屬題

峯巒疊翠花含露劫運難將粉本埋我喜丹青有私淑
 畫中今識趙彝齋

北郭游驄南浦船春風便面落花天如今攜扇人何在
衰草斜陽古墓田
白髮次公悲往事讀先人畫淚漣漣梅巔閣上春寒夜
萬樹冰花雪滿山

礮聲倏止陣雲飛戰死殘魂帶血歸橫海將軍已降敵
更無鐵艦樹龍旗

寒夜對雪

竹木聲戢戢天色愁黯黯積雪沒檐瓦一白如素毯長
林失杈枒大地平坎欲挈瓶漸知凍然燈不起燄是時

倭內侵壯士懾無膽但願海水凝冰山阻敵艦我欲訪
故人扁舟獨往剡醉眠不成行宵長夢苦魘

乙未二月十八日大雷電次日大雪不止紀異

今雪昨雷電天意詎能測庭前玉茗花苦寒殺嬌色花
止悅目耳今秋恐無麥兵戈苦未定島倭橫海舶遙聞
東三省萬姓失安宅天時與人事隱憂積胸膈同雲護
天狼彎弧不可射

鼻僵息不煖心苦思欲焦羊裘足禦寒章身鄙金貂雲
色山黯慘風聲樹蕭颺戢翼伏日烏柱足凍海鼇飢鳥
鳴啾啾如聽窮黎號願天雨粟帛一止眾口罄對食不

下咽何論沽濁醪將軍銷金帳羔酒何其豪

法華 磐盦舅氏命題元配沈孺人所畫墨蘭蓋瑾從姑

蘇東也

瘦葉發奇葩懸根不著土想見落筆時綠窗響風雨
渭陽雅好畫遺墨同拱璧重題悼亡詩兩鬢秋霜白
我母昔寫蘭六法姑所授湘管枯不春陟屺淚盈袖

暮春西郭外觀競渡

霧散昨宵雨晴開三月春湖山無賴酒花柳背時人冶
豔成風俗優游遂隱淪微波與飛絮處處是迷津

題昌碩山海關從軍圖

君生未識邊塞秋一官嬾散如海鷗忽衣短後跨鞍馬
飲器欲漆倭奴頭倭奴寇邊勢飄忽朝鮮淪爲虎狼窟
長驅直渡鴨綠江殺氣衝霄慘邊月是時湘軍未敗衄
樹旗招降冀倭服雅歌投壺主將閒椎牛縱酒三軍樂
雄才專待書露布籌邊未借筵上箸懷人夢醒五更笳
關中白雲關外雨老親白髮愁倚閭病中遠寄塞上書
軍功不換鬻指痛歸舞萊彩爲親娛煙塵漠漠開畫圖
遼東十萬白骨枯書生報國徒慷慨未能執殳爲前驅
主憂臣辱誰致死勝算惟知議和耳流民扶攜西入關
胡不圖之獻天子

小極偃卧得昌碩北來信并示楊香吟感事詩

雨深新草沒階除小病厭厭歎索居猶喜故人情鄭重

三千里寄數行書

草玄揚子知名久老卧滄江歷歲寒時事悲涼付新詠

唾壺擊破髮衝冠

今昔行

昔年同如空山鶴翱翔白雲向寥廓今日君為畫堂燕
簾幙雙栖不相見炎涼易性今昔殊咫尺便成千里途
巨卿死友呼不起世情翻覆何所無黃公壚頭沽美酒
去聽出谷鶯求友

去歲秋夜感懷文

百蟲同一鳴萬籟同一聲我唱獨寡和顧影何娉娉男
兒不得志壯歲白髮生讀書不適用焉得生前名世居
西山下老屋百餘楹蒼松偃翠蓋丹桂懸金英屋廣人
住稀時聞嘯山精二親棄我去碧草淒滿塋一弟已別
居白日分紫荆命衰苦孤寂心搖似懸旌月落星斗轉
雲淨河漢明塊然處宇宙憔悴嗟何成

三下秋日泛舟卽景口號

城裏青山青出城扁舟一路看青山看盡尙湖到
煙水蒼茫來雁聲

出郭入城
出郭盡秋色清游狂未還馬蹄塵過屋雁背日銜山丹

桂酒邊落白雲人外閒我儕當醉死時事正多艱

乙未重九同昌碩諸人登虞山劔門題名石上

峭壁插天青入雲揮手招得雲中君同我空山作重九
左持蟹螯右把酒俯視煙水胸襟開欲挹尙湖入酒杯
陶潛采菊嘉落帽古人灰土今人哀吾儕作事應不朽
何用黃金印如斗淋漓翠墨勒蒼巖狂名永與山同壽
拂水巖看月同昌碩

石梁跨飛巖險仄驚俯視絕壑寒生煙暗響滴石髓霜

月破雲出照見尙湖水漁燈雜明星深宵苦垂餌慨彼
飛熊人千載呼不起島寇竊弄兵乾坤正瘡痍憂時恐
成癡對月聊自喜清輝滿衣裳五內淨泥滓更躡蒼崖
巔一眺窮萬里勸古人忍士今大哀吾憐外專誠不殊
古詩清涼寺觀觀自在銅像訪藥上人
不遇遊人醉
攜侶入丈室花木生清妍登樓禮古佛佛光寶月圓頂
嵌青泥珠足踏黃金蓮十相真具足宜置忉利天大冶
鼓洪鑪能奪造化權可歷億萬劫成此金剛堅欲訪山
中僧相與結靜緣琉璃一燈明共參上乘禪人言山僧
忙更受俗人憐入城謁豪貴日暮當來旋

秋日雨中送別昌碩

三年才一見惜別語依依
煙雨孤舟遠風塵知己稀
游山憐日短贈菊載秋歸
獨上橋頭望垂楊惹濕衣

又書昌碩從軍圖後

黃塵埋骨慘三邊誰擊金鞭
唱凱旋醉踏月明騎馬去
戰場高枕鬪饑眠

題昌碩山水卷子

缶翁作畫一身膽著墨不多
勢奇險胸中邱壑吐煙雲
不比俗手丹青染平生知己
能幾人詩材畫筆多苦辛
何當披髮入山去古木蒼崖
同結鄰

題顧茶邨湘江幻夢圖圖爲悼亡作也

鰥目窮秋淚湘江獨夜船
畫圖開夢境環珮隔情天
繡枕香應在紅樓月不圓
勸君莫惆悵且傍酒壚眠

聞倭陷臺灣

孤軍血戰少同袍
援絕囊空橐載逃
十萬黑雲都不見
髑髏臺築海天高

題畫竹

直節不可屈青青當歲寒
如逢任公子堪作釣鼇竿
寒泉靜不流夕陽墮山外
荒巖無人蹤蕭蕭響秋籟

哀徐仲翔

并序

仲翔名鳳依扇肆取給人稍論值則面赤囁嚅
無賢不肖扇購其手輒謂廉且善多樂就之家
本有田頃餘其兄縱博賣盡自食其力怡然也
初不願婚欲爲僧與一僧習夜偶同卧見僧首
出被中童然不類人惡而止君形侏儒右肩上
竦非生而然也幼與羣兒戲當暑熱甚坐溝中
使羣兒勺水淋其背快甚日日爲之病幾死寒
入筋節縮不可直人笑其狀戲呼爲長者亦漫
應焉性溫雅疏散每過予見數古樹愛玩不忍
去畫小花卉亦楚楚有致其行事豈市賈中有

明皇曰... 不卷三
一
哉乙未冬疾發誤服外國治哮喘藥遂不起過者
輒嗟惋市爲之衰

貌拙古痴僕迂拘似老儒陶壺烹苦茗破盞藝新蒲踏
雪夜呼酒看山春泛湖舊游如昨日可惜此人無
愛靜交孤衲安貧讓薄田十年塵市隱一病夜臺眠室
有扶牀女囊無賣畫錢寶慈橋外路新塚草芊芊

夜社曲

夏首農隙邑廟賽社日繼以夜衣服輿馬旗纛
燈火之屬鬪巧誇靡一人之裝有費至數十萬
錢者肩摩踵接舉國若狂可慨已古語云吳人

尚鬼信然

虬脂然火燒碧空繡衣倦壓桃花驄笙簫幽咽吹香風
萬人齊足城西東鸞翹鳳屨珠簾下頰上芙蓉粉光射
少年饒眼逐華燈欲買良宵苦無價漏聲燈燼游人歸
古廟煙鎖雙朱扉雲旂不見露華墮月黑空街走燐火

西鄰一章傷顧蕙南

登登製棺斧聲急西鄰喪兒未三十是兒非凡兒健筆
能剗犀工文頗見儕輩推登樓與我論書畫妙悟自得
心爲師七日病不起玉樹埋地中耶孃淚枯白日晚紙
灰風捲過牆東

老樹一首爲磐盦舅氏作

老樹生意繁內外百蟲蝕樹本日以傷綠葉漸減色上
有雙鴉鳴昨日之日相喧爭柯條震盪巢欲傾有人倚
樹長太息驅蟲驅鴉兩無力可憐樹亦甘自賊根下萌
芽長一尺何時見汝干霄立

雙石詩

并序

予童時於牆根獲一石高二尺餘狀絕奇爲人
萬人寶假玩垂二十年幾忘之矣丙申冬昇歸如與豪
俊拔俗之士久別重逢相視莫逆也吳昌碩亦
得一石書述其狀甚誇不知較我石果何如因

乘槎未泛滄溟東眼前忽睹突兀海上之奇峯雲垂濤
立勢飛動昂頭直欲摩蒼穹巉巖瘦削非人工亦非雷
斧揮豐隆乃是山川靈秀胚胎有此石元始一氣開鴻
濛蕭齋偏仄僅容膝平地湧出青芙蓉篝火照見影在
壁有如好手潑墨圖華嵩坐觀卧賞掩書卷文心難與
爭玲瓏惜哉只此一卷耳不有巨壑橫長松壯士挾置
官道側移山竭力來愚公或如雲夢八九吞胸中吐氣
光怪如長虹又恐六丁六甲下搜取雷車夜載歸天宮
延陵詩老人中龍得石奇古與吾同星精墮地變化無

此怪狂喜冒雨傳郵筒吾知天生奇石作吾二人像何
須劖刻勞神鋒不貴形似貴神似孤寒骨相冰雪爲心
胸百年血肉委黃土賴此萬古傳遺容各自作贊書石
背願同石壽無災凶二石應亦似兄弟參商相失何由
逢何時攜來作高會花前共醉琉璃鍾書錄文心賦與
丙申臘月十日集飲小樓磐盃舅氏詩先成奉和
甕頭春煖梅萼香登樓看山飛羽觴青山對面忽不見
雲霧一白天蒼茫隆冬不寒解裘帽塗泥汨汨水挂牆
陰陽錯亂禍患伏嗟彼燮理謀不臧吾曹無事且飲酒
長鯨恐吸天瓢漿嚴設酒政酣拇戰肯如怯帥逃沙場

渭陽頭白興不淺珠玉脫口紛琳琅更言十五來踐約
要看圓月涵山光

十五日再集復和舅氏是夜見月

雪霏山霧開黛色慘不舒諸公赴嘉約褰裳涉泥塗談
笑至日夕有酒傾百壺藉聯親故歡不爲口腹娛客去
吾亦倦靜與天爲徒凍雲吐孤月萬象涵清虛倚闌薄
醖醉澹然忘故吾

南沙相國效石田翁畫南瓜戲臨之並題詩補空
文肅處廊廟偶憶田園味畫仿白石翁楮墨盎元氣我
如效顰施塗抹亦遊戲儻能換濁醪一醉昏昏睡

丁酉上巳虛白居易招集曾氏園林修禊

觴詠繼永和良辰集名園同志五六輩列坐載笑言喜
值新雨霽山光映前軒花柳媚煙景魚鳥狎清樽萬族
各適時嬉逐陽春喧吾儕且歡飲窮達何須論主人鷺
湖客棄家如孤雲借此山水窟招邀具盤殮極我一日
樂尙友千載人蘭亭會已遙感慨見遺文長謠倚落日
古意彌相親

同趙非昔丈至半畝園

高樹晚花落古潭春水香鳥聲藏密竹山色入虛堂此
地紅塵絕清言白日長何時共攜酒醉倒藥闌旁

畫折枝戲題

小樓西角納山光
誰與清談坐夕陽
偶寫寒葩破岑寂
硯池殘墨作花香

黃大癡酒亭歌

亭去西郭三里許
湖橋之側今爲土
神祠橋下時得瓦
瓶相傳卽當時
貯酒器虞山西麓
有大癡墓

酒星化作黃子久
日在湖橋飲美酒
橋邊至今有酒亭
亭前裊裊垂楊柳
子久一去五百年
吾輩復來停酒船
雲山蒼蒼煙水碧
如見畫卷開青天
酒仙畫聖逸民傳

低頭肯作廉訪掾醉來筆底掃雲煙元氣淋漓滿東絹
是時天下已入明臣素革履橐橐聲先生一笑隱吳越
終日酣飲全其名此地湖山堪醉死遺蹟流傳勝青史
橋下纍纍破酒瓶漁人網得沽城市懷古一樽亭上開
安得先生同酒杯栗里高風虎頭筆天地偶爾生奇才
徘徊日暮鴉啼樹乘興泛湖看煙雨明年三月桃花紅
載酒來澆墳上土

泛湖憶磐盦舅氏

去歲清游隨舅氏湖光山色滿孤篷眼前風景都如舊
不見蕭蕭白髮翁

苦旱行

三月不雨至六月高田老農瘦存骨
枯槔踏折河水枯
眼見青苗不得活
城中官吏急徵糧
催科更比祈雨忙
癡龍抱珠睡淵底
霹靂無聲火千里

苦雨行

三月不雨至六月六月大雨河水溢
連畦青苗沉白波
打魚船在苗上過
老農仰首怨碧翁
旱潦却在一月中
水雲漫天不見日
城中斗米錢五百

東村就醫贈張再可

沉疴負來久求治到茅堂
白髮隱君子青囊古藥方
家

明倫彙編 家範典 卷三
五
貧無長物屋小隱垂楊欲去重回首門前溪水長

贈郭大令

風雅虚心好豪強信手鋤娛親山水縣判牘晉唐書寫
竹盈紈扇看花奉板輿比鄰聽嘉政松桂養扶疏

昌碩寄示自壽詩時臂患瘍云病愈卽來虞山作

詩促之

涼發高秋興閒吟自壽詩柳俄生左肘菊約訪東籬兩
地交如水中年鬢有絲扁舟何日到獨立望多時

獨泛

今朝喜無事小艇泛迴塘孤客惜秋景殘荷媚夕陽水

荒菱芡賤人靜鷺鷗忙向晚忘歸去炊煙出綠楊
友人索題尙湖春泛圖磐盦舅氏同游有詩見之

愴然

綠楊汀外波魚鱗載酒招客娛芳辰白鷺驚飛木蘭楫
紅螺暖酌梨花春喜無煙雨冷三月大好湖山游七人
披圖苦憶吾舅氏數行遺墨猶如新

秋夜有感

昏昏殘燭燼唧唧暗蟲吟事到中年劇秋隨夜雨深故
人常入夢時務每驚心病久愁難愈朝來白髮新

暴雨小樓看山

山出浮雲雲罩山雲山不辨刹那間雨收雲散青山在
明滅斜陽飛白鷗

寄昌碩

離羣常苦憶同病更相憐行藥菊花晚懷人霜月圓湖
山虛宿約鬚鬢近衰年吾谷丹楓好當來泛酒船

酬昌碩

獨坐蒼苔古柏根青山黃葉掩閒門感君書札頻頻寄
十載相憐勝弟昆

昌碩來虞山信宿而去臨岐悵悵不能無言

兩日抵掌談積思一傾吐孤舟夜出城輕裝濕寒雨樓

高望不見燈火暗秋浦明朝青鏡中鬢髮白幾縷

題昌碩臨古岑和尚所藏管仲姬雙鉤蘭

仲姬寫蘭如寫竹冷落僧寮亦可憐缶翁好古一臨得
翰墨緣深五百年
前身合是吳興趙淚滴蟾蜍古墨香欲譜楚騷弔山鬼
煙月蒼蒼湘水長

題吟秋圖

落葉黃沒階夜聲羣動息瘦菊留晚芳殘燈耿半壁此
時擁鼻吟詩思苦寥寂微聞窗外雨風吹寒淅瀝

輓程伯隅

卒於重九日

灑落親風雅鬚眉直氣豪借書消夏日論畫入秋毫白
髮愁中短青山筆下高重陽菊花酒不見手持螯

戊戌人日庭梅早開戲爲寫照題一絕句半壘北
偏向溪山深處隱慣從冰雪窖中開平生不藉春風力
獨得乾坤清氣來

元夜自嘲

飲博笙歌病未能但看明月不看燈梅花一樹中宵倚
清況真同苦行僧

張西城贈硯作詩紀之

吾友得子石中有良硯材剖之獲雙璧分贈青玫瑰是

真下巖石端溪所胚胎想在深水中神龍護風雷不知
何時出歷劫埋塵埃一朝遇真賞追琢磨松煤臨池省
腕力使我心顏開或辨云歛產妄語良可哈所以天下
士負奇沒蒿萊有感且飲酒甕撥梨花醅

上巳出西郭

白裕三橋去青山一水長酒人藉芳草畫舫繫垂楊花
鳥太平景綺羅時世妝艱難誰省得感慨立斜陽

雜感四首

外侮內荒歉國步何遭迤巖疆踞龍虎拱手以讓人養
兵不能戰何如養飢民飢民雖尪瘠知感朝廷恩他日

備一戰或可清中原
山東李中丞丹心鐵爲面
年老氣獨壯志在決一戰
黠虜挾朝廷罷職置閒散
齊魯失長城忠義嗟扼腕
黃閣諸元臣和議有勝算
鐵鑄作車軌日馳數千里
帑金擲千萬強敵見之喜
一朝干戈興險要不足恃
長驅奮雷霆壯士輪下死
開門資寇兵何不築堅壘
奉詔開特科網羅天下士
經濟出薦舉要津恐成市
古來名將相豈在文字裏
奇才肯骫骳君門隔萬里
莘野與傅巖羞爲蒼生起

虞山西麓招真道院有紅梅一株齊梁時物也今
不可見矣想像寫之題一絕句

丹霞鍊花花不老鐵爲骨格冰爲心千年屹然瘦蛟立
曾聽六朝人鼓琴

贈張西城

欲沽春酒典儒巾稚子含飢竈斷薪手把鴉鋤種修竹
不逢知己不言貧

題趙次公獨立小像

老健山林自在身虬髯俠骨鶴精神高冠長劔丹青裏
笑爾麒麟閣上人

明皇白齋詩在卷三
泉清勝果煮新茶心似僧孤未出家骨董每藏三代器
小園不斷四時花

紅塵不到梅巔閣四壁雲山日卧游更約西風挂帆去
金焦頂看六朝秋

白雲紅樹種瓜田一曲清溪竹萬竿身在青山畫中老
不須更寫畫圖看

齧菜根圖爲蕭敬則畫

霜氣入菜根其味清而腴朝餐實我腹閉門讀奇書勞
勞車馬客食肉非吾徒

哭張嗣初四首

平生困飢寒未病生氣少一病卧積旬軀命不復保呱
呱啼牀頭幼子在襁褓諸孤盈眼前婚嫁一未了薄棺
卽荒郊靈幃掩餘照淒風吹空庭紙灰覆春草
煮字難療飢不救生前貧摩挲商周器辨別龍虎文寸
鐵刻金石丹篆生奇芬凡將與急就得易俗不珍餘力
爲琢硯紫割端溪雲案頭玉蟾蜍淚滴頻爲君
移家傍西城老屋讓弟居柴門對青山隙地宜種蔬向
人乞花竹雨中自攜鋤比來枝葉長過牆綠扶疏諸兒
好培護勿使手澤枯移根植墳土夜夜啼栖鳥
往來十餘年心蹟久逾密清談沃苦茗傲骨山兀兀暑

漱桃澗泉醉踏劔門雪清游成往事壯歲忽長別豈無
三益友誰似君守拙魂兮夢中來慰我腸百結

漫興

時艱白髮隨年長樓卧青山並枕高且自優游尋蝶夢
何須辛苦學龍韜

長安有俠客行

人自京師歸言當安御史維峻直言遣戍貧不
能給裝有王麻子者奉金三百車三兩護之至
戍所一時傳爲義因賦此詩
長安有俠客閭里不知名封章一上天爲驚孤臣謫戍

萬里行冰天雪窖魑魅喜天恩不殺臣亦死俠客吁嘻
拂衣起車馬黃金奉君子匣中七首紫電光崎嶇險道
如康莊當關虎豹不敢怒驅車安抵盧龍戍義聲直薄
雲天高一媿平生金石交歸來笑隱黃塵市屠狗賣漿
終老耳安得用之雪國恥

苦旱

苗枯米如珠赤日裂后土世多桑宏羊烹之天乃雨

題畫菜

菜根稀菜葉肥閉門種菜可療飢食菜勝於食雞肋願
天下人無菜色

天不避俗

避俗閉門卧觀書且養病年荒憂世亂賦重苦田多溝
瘠無膏澤官奴厭綺羅日長憎酷暑安用魯陽戈

得李杭之古松障子喜作短歌

涼飈虛堂來蟄龍起春雷乃是古松樹鱗甲皴蒼苔千
年不遭斧斤災孤標上掃浮雲開可憐大厦欲傾倒世
上無茲梁棟材庭前老松亦突兀下有茯苓吾懶掘炎
歎苦旱三伏時散髮松根看明月

又題畫松

予得古松障子款署李杭之寫於檀園之吹閣

愛其蒼勁有奇致作歌記之初不知爲何如人
趙非昔丈謂長蘅之子乃檢錢蒙叟列朝詩集
小傳云有才子杭之字僧筏畫筆酷似其父乙
酉歲死於亂兵蓋未入本朝氣節完人也因作
五言一首書其端俾後之人不以尋常畫師視
之

濤聲走素壁六月吹涼颺前朝有名筆寫此蛟虬姿楮
墨雖黯淡元氣何淋漓當揮如掾筆腕力山可移千巖
戰風雨百怪搜心脾淵源溯家學丹青父兼師一門擅
六法風雅皇天私檀園盛花木吹閣臨芳菲煙雲吐柔

鳴堅白齋詩存卷三
翰冰雪題新詩明社一夕墟山川鬪熊羆當時寫松者
鋒鏑殘其尸一死殉故國精魂化虹霓不然徵車至巍
科舉宏詞文采必見收安能隱茅茨此畫三百載似有
神護持滄桑歷浩劫披圖歎艱危俗工畫桃李狼藉粉
與脂奚知抱貞心不凋歲寒時爲沽梨花春再拜陳一
卮願亟化龍去爲雨蘇災黎

時苦旱

戲贈黃慕庵

清談每過我大笑豁胸襟經濟懸河口文章用世心虛
懷無白眼信手散黃金幕府需才日當爲擇木禽
鳴堅白齋詩存卷三

溫州府 函 文 館

温州市图书馆

类别	
编号	97946
册数	4
售价	20.2元

溫州府 函 示 錄

溫州府圖書館